

續修四庫全書

卷之五

《續修四庫全書》編纂委員會編

續修四庫全書

上海古籍出版社

一五一六・集部・別集類

讀白華草堂詩初集九卷	〔清〕黃 釗撰	一
讀白華草堂詩二集十二卷	〔清〕黃 釗撰	九九
讀白華草堂詩苜蓿集八卷	〔清〕黃 釗撰	二二三
桂留山房詩集十二卷附桂留山房詞集一卷	〔清〕沈學淵撰	二七九
萬善花室文蘊七卷	〔清〕方履錢撰	四二五
壺園詩鈔選十卷 五代新樂府一卷	〔清〕徐寶善撰	五六三
壺園賦鈔二卷	〔清〕徐寶善撰	六四一
壺園詩外集六卷	〔清〕徐寶善撰	六七一

讀白華草

堂詩集

讀白華草堂詩集敘

黃子香鐵試禮部書戒詩重科舉學不自得以詩釋其戒詩愈昌曾亮聞而笑曰士專於所好有迴萬牛入九軍而不顧者况區區科第一得失之間哉古人好詩者或中夜發狂大叫白晝行不見官長至以伯主之威求改其一字不可得此非有聲於外而尋逐而好之至甚於酒色聲利是烏知其然哉徐無鬼見幾武侯告以相狗馬耳武侯大發笑女商不知也徐無鬼曰久矣夫莫以真人之言聲譽吾君之側也夫吾人知物之可好於天下者莫如也人之境百不同也境同而性情不同則其詩之境亦不同而詩為其徵象此古人之真也境不同人不同而詩同焉是天下人之詩非吾詩也天下人人得為之詩而代為之烏乎真人情之愛人必不如其自愛也一日為不知誰何之人作之曰吾甚愛之愛烏乎至今品之詩述家人離會燕喜之情朋友契濶賓婚相勞也身世神主計憂樂耳目所近接忠義疾苦可驚歎也亦時有物色優戲綺麗之作涉篇什亦不至於極也適乎境而不夸稱乎情而不歉審乎才而不剽竊漫行放乎其真適足而止此

讀白華草堂詩

序

讀白華草堂詩初集

〔清〕黃釗撰

讀白華草堂詩集

據華東師範大學圖書館藏
清道光刻本影印原書版框高
一七八毫米寬二六〇毫米

則黃子之詩非天下人之詩也可以言真矣真如是宜乎其能好矣爾觴賡之堂美言洋洋錦屏高張而讀者神不語來也中牧之歌商旅里巷之諺一曙得之童至老而習之吾以是知物之可好於天下者莫如真也物之真者吾猶好之乎吾之自白者乎吾之毛髮枝節吾猶愛之現出於吾之心腹腎腸者乎不然泛泛然天下人之詩也吾曰爲之而不知誰爲之曰吾甚愛之僞耶名耶惑耶道光十四年甲午七月七日上元梅曾亮序

讀白華草堂詩序

二

讀白華草堂詩集敘

作造爲也人於所聞見未經思議莫及者作曰天作造曰天造孟子善言天曰莫之爲而爲是矣古文爲與僞通謂爲之盡乎人也僞則不情不情無物無物而有爲也而有言也君子謂之志奚翅乎詩童子時嘗與花隱老人言詩詩之言承承乎天也詩之言持持有我也不知天不可與言詩不知有我亦不可與言詩秦漢以前兒童婦女人人能詩而不解詩之爲詩才人學士人人讀詩而及其微引以申已意則又若人人未嘗讀詩故詩之亡自解詩者亡之也詩亡然後強解強讀強作意造句以自附於詩人之目者塞天下僞僞相仍紛今裂古而又自耻其聞見之陋思議之卑以爲不若古人之讀破萬卷迹徧天下也吾不知三百篇中門草之童贈芍之女曾若所云否也鍾平穀生黃君世莫知其志之所承與其所持而稱其能文與詩者徧海內且數十年君顧莫測其名所自起私意竊不屑居每與人言晦之唯恐不至公初見君宜黃黃樹齋先生席上志意如伏虎精健如神俊濬深其息鬱勵其光席上客多抗論橫言而君目煒煒左右注探格接吸若留侯初遇圯上老人疆忍從容終席不可否一語余退而詢諸他客率

讀白華草堂詩序

三

曰詩人詩人靈山梁夢圓熟君久稱君詩新意奇情有
未經人聞見思議者而偶於端木宦田處得數章耽之
則於夢圓所稱猶多未盡君蓋非專於詩者也古來唯
不專詩詩乃神凡物情之陰變陽化人事之詘暑信寒
沙積豪分莫不暘備而後風怨雲思花機石紐忽焉有
觸則同一耳目所及而喜者見喜悲者見悲其詩之變
化詘伸亦沙積毫分於志之所窮畢肖其真而不容少
偽今讀君初集詩凡七百七十三首而不專乃神爲益
伯雖狀詩之品題高下唯專於詩者能知之猶夫人之
可用與其用之所極唯深於用人者知之余不知詩不

讀白華草堂詩

序

四

知詩之盡乎人者也不知詩而言詩言詩之純乎天者
也君之詩有若雷聲殷殷狀有若快雨點蕉狀有若九
鐘鳴霜狀有若獨鳥呼春萬花齊落狀有若忠臣烈士
征夫怨女歌哭於一庭旁觀兒童婦婢爲之色喜色怒
狀於乎其莫之爲而爲之者與而豈僞與不狀盡乎人
者比比而余或未之見與抑於君性情有偏契而聲之
洋洋善入與夫以余交君曰淺而敬異愛慕君有過尋
常若是是亦元也莫之爲而爲者也非僞也道光乙未
夏五九日挑燈烏程凌堃敘畢好雨徐來時蓋嘆乾五
十有餘日云

讀白華草堂詩集序

余性癖於詩無所師承而冥心探悟者十年似有得然
未敢自信也嘉慶庚申秋識陽湖張琦翰風於白門張
君曰吾子高才絕學而溫柔敦厚如是是必深於詩因
相與爲深言出舊草二千首屬張君張君爲刪定存什
一二曰後人讀之而深求其義足以達政專對已何必
多余自此遂輟韻語道光乙未春因烏程凌堃厚堂識
鎮平黃君香鐵於都下黃君詩名滿宇內示以刻行之
九卷而屬爲序黃君詩刻行已十餘年載筆通儒欲得
序其集者甚夥願以命余媿不克當也讀其詩少作已

讀白華草堂詩

序

五

成體勢節奏轉換緩而不馳和而不滑庶幾有德之言
壯歲漸變而適上緩仍舊而和若少遜者然新意時出
眞吾迥然見矣袁酒劇談常至中夜笙磬之同自晤張
君後閱春秋卅有六未有若吾黃君者也夫推極詩道
所致其單微幽渺可以奪造物之權變人心之度使寒
燠不能操其舒慘哀樂不能主其欣感斯固作者偶得
之而不自知讀者心領而無以言狀者也至於念衣微
則知愛狀車聲則知敬刺嬖倖則感陳筭紱哀疏遠則
俗掄倩盼是則體之不可不明者也或無端蘊起万類
驚心或文外旁情一縷彌布或羣流迸赴而束以一岐

或一源下注而散爲衆派或崖勒奔馬或梁繞泛聲是又勢之不可不明者也爲境萬殊用法一貫論志者感其微言行遠者修其盡飾窮原竟委吾無以測黃君藝之所至矣余往來吳越間久所見工詩者有吳江趙函良甫長洲蔣志凝澹懷然皆未嘗與論其得失之故殆於失人於今悔之異日黃君或遇二君出此相示當有雅契且藉以補吾過也道光十有五年歲次乙未仲夏月六日白門倦遊閣外史安吳包世臣

讀白華草堂詩

序

六

讀白華草堂詩集序

西江郭舍人羽可老詩人也嘗爲湘南言嶺南黃君香鐵云甲午秋君偕廉訪楊公來梁湘南知之末由見明年廉訪延湘南入署課諸公子而君已入都因從廉訪問君詩廉訪曰香鐵非弟其爲詩也其爲人質直好義不事苟且行羅今古正變於胸議論不隨不激如不欲以才人見者其詩之工抑末也湘南以是益慕君之爲人思一見惟恐不獲而君已先因羽可知湘南其思湘南也一如湘南之思君是秋湘南領鄉薦出君同鄉庶子龍先生之門龍先生事竣還京君走問聞有湘南名則喜福建張亨輔江西吳嘉賓安徽江開湖南何紹基皆以詩古文詞名於世皆獲雋君聞則益喜揚言曰今科得人爲最盛也蓋君之好善肫摯如此湘南抵都與君見甚歡讀君近作共飲羽可所謂羽可曰香鐵不弟其爲人也其爲詩運才入史逐景取情樹骨杜韓之庭闢徑蘇黃之介於當代時事三致意焉而不隨不激不事苟且一如君之爲人吾黨中一大宗也香鐵不弟其爲人也羽可曰君言信然洵爲知香鐵者雖然詩可以觀千載後有讀其詩者仍將溯其人而曰香鐵非弟其爲詩也固始蔣湘南

讀白華草堂詩

序

七

讀白華草堂詩初集總目

第一卷 已巳至甲戌

古今體詩七十九首

第二卷 乙亥至丙子

古今體詩七十四首

第三卷 丁丑

古今體詩七十五首

第四卷 戊寅

古今體詩九十首

第五卷 已卯

讀白華草堂詩 目錄

古今體詩八十三首

第六卷 庚辰

古今體詩一百三十五首

第七卷 辛巳

古今體詩八十六首

第八卷 壬午

古今體詩五十二首

第九卷 補鈔

古今體詩八十五首

讀白華草堂詩初集卷之一 已巳至甲戌

鎮平 黃釗 穀生

京口

金焦到眼佇登臨
煙裏疎鐘響易沈
客子情懷中酒放
美人消息大江深
雲泥浪跡鴻雷爪
風露清秋鶴警心
擬向蒼厓吹鐵笛
醉歌一和水龍吟

燕子磯望金陵

廢壘空朱雀
寒沙但白鷗
蒼茫六朝盡
日夜大江流
有客來京口
看山到石頭
興亡無限意
自古帝王州

吳宮

讀白華草堂詩 初集卷一

響屨廊虛碧
薜侵春風猶憶翠
華臨誰憐痛哭雙懸眼
無那含顰一捧心
麋鹿臺空池沼出
鸛鳴官冷舞歌沈
夕陽祇有閒花草
畱作叢殘故址尋

過黃鸝坊舊宅

雛燕天桃記不清
黃鸝坊畔小書生
十年重問兒時路
猶有隣翁喚乳名

莫愁湖

未必無愁但莫愁
白門楊柳劇殘秋
莫愁粧罷臨湖望
終古無愁是石頭

早發漁溝

不待晨雞唱征夫已夙興馬蹄裹寒鐵人面裂春冰析
警嚴霜泣鳥啼缺月升天明催早食雙眼尙膏騰

樓桑村

樓桑車蓋童童起小兒羨作漢天子檀溪十丈的盧飛
使君却羨牧牛兒丈夫豎子成兩可髀肉之歎乃真我
惟時國賊獨有操識語竟符當塗高東周王室同并髦
中山帝胄但結羣南陽種桑八百樹抱膝隆中寄遐慕
龍蛇戰鬥角一時魚水君臣動三顧煮梅亭下論英雄
當年涸跡種菜備艱難王業何時定論霸方慙五尺童

發米家莊

讀白華草堂詩

初集卷一

二

經旬不雨老農歎大麥將枯小麥乾馬上征塵衣上汗
午風吹過四枝蘭

地名

懷臧在東

庸

抗節齊顏蠋窮經漢伏生苦心攻訓詁重幣得公卿人
且疑衰病天猶忌盛名近聞長閉戶蹢躅繞階行

時臧病足

盧龍九日和韻

古戍雄三輔孤城倚嶂開邊聲先雁到海色逐雲來薇
蕨荒山澗菜莢負酒杯相憐浣花客幕府重徘徊

時客學使

巴始通政
吳公幕

盧龍雜詠

自將肝膽問吳鉤年少何因有旅愁怕聽廬兒彈出塞
寒烟衰艸薊門秋

快馬琬弓亦健兒封侯骨相本來奇只今邊徼無烽火
虎石空傳李廣祠

灤河如帶繞城來鼓角嚴關四扇開曾見殘兵哭遼水
不堪回首望鄉臺

連天白草接龍庭山海遙分兩點青漢塞秦關歸一統
漫誇餘事說松亭

宋史劉敬事松亭即今喜峯日

黃沙千里戰場閒蕭颯平原獵騎還日暮炊煙散城郭
紛紛殘葉下紅山

紅山在府城東北

讀白華草堂詩

初集卷一

三

哭伍雲兄

痛哭年時負友于眼前白草渺黃墟早聞病似垂頭鶴
遽報魂依反哺鳥

兄以痛母哀毀致疾

死後新詩聽鬼唱生前綺夢倩人扶可眞雁蕩天台去手種青松十萬株

聞計前一月夢

兄遊天台雁宕歸示余種樹詩長篇末署天馬山樵作醒後不復記憶

呈宋芷海先生

嶺表一峯尊星辰引手捫斷鼇懸地脉徂鳳下天門元
氣雷詩卷奇懷塞酒尊鴻文沂流派萬里落昆侖

爲有青蓮筆天教入蜀遊雨雲巫峽暗魃蛟棧門秋險
道千盤馬歸裝一敝裘會須訪藥籠雪浪下金牛

又向滇黔出吟鞭緩遣歸蓬蒿仍滿徑桃李已成圍閉
戶空今古名山定是非浣花溪上老來往夢相依
不解耽吟苦還憐說士甘聞雞催起舞捫蝨向高談星
斗筵前落關河夢裏諳鄉情一何厚剪燭話天南

楊孝子詩

寒帷背風夜然燭床頭老母病索粥粥香入口病頓輕
已落孤兒一寸肉兒身有肉母所遺母甘兒肉母未知
神示攢眉鬼號哭咄哉孝子楊家兒楊家兒年將四十
自言少賤爲人役一官已死雷矯離萬里送歸營窀穸
只如此義人已難何況至誠天可格當時母病兒在傍
讀白華草堂詩

初集卷一

四

醫來俱說成膏肓徘徊涕淚心徬徨三官廟前擲杯玻
願神許我母壽長神不許我兒絕望中庭無人夜拜斗
當天祝罷潛歸房霜刀一落血花濺臂肉熱處心清涼
我逢孝子遊衡湘七尺之軀真堂堂炎天烈日汗着內
袒臂尙露刀痕創吁嗟乎鐘鳴鼎食徒爲爾眼中何人
識孝子

螻磯夫人祠

江畔靈均不可尋那堪靈澤望江潯銷魂水調蒼梧引
攬夢濤聲白帝砧聞道蜀鵲皆怨魄豈知精衛亦冤禽
寒潮落日祠門暗回首東吳恨轉深

夏雨兼旬河水暴漲感作

沿江滾滾轟濤頭鎮日淫霖尙不休捲地又防瓠子決
去歲隄決數十處漏天重累杞人憂陂塘水滿魚苗溢田壠泥
深犢子愁慙媿杜陵思萬厦閉門徒守屋如舟

夜由鉢溪口放舟出長潭

峽仄天開閭崖尖石吐稜佛燈山鬼瞰人語怪鵝鷹樹
黑寒星閃潭昏冷霧凝前村有微火彷彿下魚罾

夜雨齋中翻閱伍雲遺稿感作

生前六尺軀身後一坏土百年且未半何以敵萬古詩
壇縱策勲事已稱小補况閱遺藁存十不得四五劒氣
讀白華草堂詩

初集卷一

五

出邛隴珠彩闕塵戶破麗得殘紙異寶若片羽轉恨不
愛惜散失難復聚江瑤及荔支伍雲常自誇其詩如江瑤杜鮮荔支溷以
酒肉簿遺稿多從廢簿檢出平生扶風豪勁氣張強弩有時喜風
懷好女門眉嫵俠士與才人兩無定去取可憐偉丈夫
末路如病虎虎死皮尙畱人朽詩肯腐燈闌不忍讀鬼
嘯秋墳雨

秋日偕諸子游九龍潭

仲弟笙調叔弟琴辰姪伯壘季鴻少華

長潭徑口通漁樵緣河而入半里遙山石礫确徑偃仄
夾澗架以獨木橋昔游龍潭看瀑布十年舊徑重來鈔
山窮谿阻絕無路攀蘿捫葛援危巢同游諸子勇可買

矯捷有若猿猱趨忽聞谷口風颺颺銀濤亂落青松梢
上有千年之棲鵲下有百歲之飢蛟飛湍一落一千丈
如玉塵散輕煙飄白龍倒挂噴玉沫神女欲下懸蛟綃
倏然迴風捲飛雪亂灑衣帽疑珠跳是時秋氣正蕭刀
江空木落啼山魈珊瑚垂實挂石壁療飢可採充寒庖
年來面目空塵土住近城市憎喧囂山水如此足不到
俗態難免猿鶴嘲深巖久坐日將落徑欲編置三重茅
歸來書齋憶清景耳畔彷彿聆笙匏

夜光木歌

癸酉夏河水驟漲村人沿隄拾竹葦得枯木攜
讀白華草堂詩 初集卷一 六

歸充縷皮膜剝盡根株拳曲入夜輒有光如積
雪然余異之爲作歌

夜光木乃產自陰山斲自冰谷初疑變晝之艸出拘彌
又疑四照之花號迷穀樵蘇拾得置新舍入夜晶光透
茆屋我思汝水上稟太陰精當其韜晦叢莽曜光厓麓
膏節晶熒枯根熠煜雷火不敢燒蟄蛇不敢逐寒宵炯
炯閃矚領幽酸森森張鬼目將並照乘珠生煙玉珊瑚
樹十丈雲母屏九曲夜明簾照織成來水精宮伴湘娥
宿太乙仙人取之作藜杖龍宮神女刻之作華燭胡爲
漂流洄沒下長江小兒拉之當濕葦漁人燃之等枯竹

君不見柯亭之箭焦尾桐入爨猶聞老龍哭况爾萬古
積雪千年老冰結成夜光木

閔邱抄感作 詠癸酉林清之變

河北妖氛起畿南賊勢猖風聲驚草木星象動機槍此
輩魚遊釜羣公鵠在梁如何 聖明世猶未免瘡痍
不謂承平久優游養患深悚惶十行詔感泣萬方心啓
鑰鉤閣暨麾文涵羽林重勞 宵旰慮此責果誰任
聞說黃扉相同時乞挂冠 君恩最寬大臣道本艱難
入閣參樞畫臨軒策治安運營九節度秉鉞盡登壇
三載東華客縉塵憶素衣祇因戀慈母未忍赴 皇畿
讀白華草堂詩 初集卷一 七

閑居雜詩

老圃經霜後人家洗甕忙摘蔬留菜甲編竹插籬槍暇
日詢鹽價多時說酒香鹽齏摻白醞滋味得新嘗
空日長潭去因過父子橋秋林看散犢狹路避歸樵水
色揩偏淨山容瘦不彫驚心寒景晚木葉落蕭蕭
亦有田園在翻愁作計疎典衣寒士酒乞米故人書未
免羞囊澀何曾助斗儲明年應坐塾差比帶經鋤
井竈安排富幽居絕世情呼童提短綆留客設長檠籬
薄梅花凍醅香竹葉清祇應與朋舊來往訂詩盟

睡久嫌長夜天寒肺病加方書翻木草圓夢爆燈花蕭局溫留火殘甌冷注茶攤衾還默坐鄰犬吹籬笆

河北初回信江南亦報書兵戈聞未息輔畿近何如傳檄驚風鶴封緘託鯉魚無徒訊眠食羣醜望羶除

生計當殘臘陽鳥曝向檐打頭茅屋矮刮面朔風嚴熏鼠憎童酷偷鷄笑賊廩此心同照覆何事察微纖

水仙

七條絃觸指冷泠湘渚餘哀不可聽一盞寒泉薦香茗有人供養向疎櫺

幽意惺忪絕可憐夢回清影上屏邊思量解珮煙皋夕

讀白華草堂詩

初集卷一

八

酒冷燈昏一黯然

蕭齋

蕭齋琴榻趣翛然靜對瓶梅結淨緣酒興未闌常獨酌風懷雖減不孤眠貓頭鴨脚堪留客詩鉢花飄學坐禪

比似維摩樓斗室圖將蕉雪向寒天

和東坡歲暮三首

饋歲

丈夫論投贈惟是紵與縞婦人有餽遺惟是榛與棗何年興饋歲來往互傭媼筠籠繫野雞漆盒盛蠶蠶半收且半璧毋乃爲俗套腐儒雖云饑面目未枯藁年終得

魚肉轉思菜根好苦憶鄰菴尼來餉春不老

別歲

往作詩餞春怨春畱不住春歸夏秋冬三時景長駐獨有別歲時美人嘆遲暮有如半寸香將盡不復炷又如逆旅人一夕遷客寓雖幸迎新春未免泣歧路白日去堂堂掉頭不回顧誰揮魯陽戈三周華不注

守歲

道人守庚申蒲團獨打坐時人守歲窮煨殘檟火余生空守株歲行若轉輾晨雞唱未繁爆竹聲已夥我欲守此歲兒童固不可重門鰥魚閉高閣蟾蜍鎖但見伺

讀白華草堂詩

初集卷一

九

者愚勿笑追者跛相期醉壺樽中庭羅酒果

九日遊長潭自雙門闕入鉢溪口

同遊錦亭伯父左秋浦師張梅

初表

盤輦舊有約佳節况重九雙門何截業一徑盤蛇走逆運度石梁已到鉢溪口尋幽意未倦莽步入林阜攀藤墮鳥巢掃葉坐石臼深林見血跡飽虎委殘狗悚然心起畏欲坐不敢久歸途躡石磴出谷遇樵婦林香時醉人忽忽如中酒

憑闌

棲鴉如落葉點點下寒汀煙雨催將暝兼葭不可聽高

堂雙鬢白客館萬山青如此憑闌望秋愁那易醒

仙人橋三首

鐵索貫巖脊百丈懸當空盤旋轉腹背其下藏奔洪深潭悶水府簾洞開幽宮穹然脫軀殼蓄此千蛟龍日光射不及晦晝森陰風我來捫石壁山雷鳴淙淙石乳所凝結精液如金銅不知幾千年有此骨髓融何當取見吾剝作青芙蓉

山靈醉顏酡帝臺觴流霞至今五色土施烜升朝赧天風開洞門蝙蝠騰丹砂撲面覺靈氣髣髴來仙家南方有漏天鍊石遺皇媧何不搏此土以之少補苴神仙太

讀白華堂詩

初集卷一

十

忘世藥竈空搜爬求之渺難覩巖洞紛山花

緣磴攀藤蘿磴仄苔更滑蛇盤一徑行復覩真靈窟金鐘紐不落石磨盤畧凸頗疑石敢當頂山觸成穴佛跡不可窺仙蹤當未歇往時天馬樵先兄伍雲號天馬山樵來此不着鞍坐地飛千觥掃墨何突兀至今為靈鬼精氣豈消竭魂兮倘歸來長嘯此山月

憶舊遊

索米金門不易償空憐大隱學東方詩人覲北雙藤架海波寺西街朱竹垞舊居故相城南萬柳堂豪飲樂遊誇竹肉羊皮馬骨謁侯王春明郭外垂楊影別後應添幾許長都門

丁字簾前滂書檮常丁字簾小住最魂銷門前白塔東西巷水面紅鑄上下潮涼雨半窗方卧病秋風幾日又攀條莫愁湖畔空惆悵驢背匆匆閱六朝金陵

秋夜獨坐

窗紙覺霜侵宵寒獨擁衾昏燈含睡意落葉聚秋心掩卷轉無賴開樽空復斟哦詩當夜寂壁劍忽龍吟

題家香雲

蒼崖鐵笛圖

天風浩浩撼崖木老魑駭走瘦鴉哭水底雌龍亦變聲海天幻作無情綠鐵笛仙人魚白衣乘雲不共黃鶴飛冥然獨坐海峯頂眼看蒼涼天四圍朱唇入破元霜凍

讀白華堂詩

初集卷一

十

古愁譜出梅花弄初吹但遇月穿雲再吹已驚猿歸洞是時眾竅號笙竽冰厓出舞天吳趨金支翠旗影飄忽珠綃雪練光紛紛忽然一聲山石裂萬怪須臾紛變滅天空海闊白茫茫手捻麈尾尺八鐵方冬十月海水寒龍愁鼉憤聲悲酸懸君此畫當素壁如向洪濤巨壑看

寄農部林詠斯先生

壬申予奉請南旋農部以詩送別并呈古琴江先生並呈星舫孤家越一日琴江暴亡予時讀

代簡

謝家山未暇寄書距今三年矣因賦二詩奉懷

寶賦當年媿自嫌
敝車羸馬客金臺
饑驅但索侏儒米
棄置爭嗤擁腫材
豈有高名如短李
與誰佳興賞官梅
司農下直餘清暇
東閣偏憐爲我開

不堪念舊話潮州
琴江官潮州教授
宿艸蕭蕭士一邱
嶺外青山才鬼葬
馬前紅樹旅人愁
歌從易水難爲別
笛到山陽易感秋
最是當時腸斷句
曉風殘月過蘆溝

詠古

張釋之

謬謬賢郎故自殊
肯違漢法族無辜
上言亦自毋高論
底事君王喜謠夫

讀白華草堂詩
初集卷一

郵都

側目蒼鷹竟伏誅
却教孝景白無辜
雁門守到匈奴避
邊將何人似郅都

張湯

磔鼠文成老父驚
是刀筆吏竟公卿
到頭對簿三長吏
也被深文鍛鉅成

崑錯

更令新除三十歲
削藩旣變起倉黃
可憐東市朝衣日
太子家猶說智囊

蒲南

衛霍功名竝絕倫
史遷倭幸比諸臣
能容長孺寬翁伯
如大將軍有幾人

公孫宏

四十傭書六十徵
起家牧豕得公卿
生平一味行恭儉
爲習春秋比晏嬰

讀五國故事

五千兵號黑雲都
忍詢三年亦丈夫
駭絕廳前閃雙眼
相煩老舅送頭顱

嫩鬢抽條向別家
打鐘槌已易穉華
淮南一片春如雪
落過楊花又李花

讀白華草堂詩
初集卷一

三

念家山破曲瓏玲
頭白宮人掩淚聽
一片長江天水碧
羣公難保小朝廷

魚米中江割一區
蜀都殷富比吳都
餅師家世雖微賤
朱五經兒敢傲無

青城進謁玉宸君
宮女衣裳盡綵雲
他日風塵翻舊曲
不堪重唱畫羅裙

狎客登筵醉復沈
宣華苑內月斜臨
重陽菊酒爭諧謔
惟有嘉王淚滿襟

朝天萬里路崎嶇
曲子新聲最愴伊
八尺長鞭齊馬足
青衣江上別犍爲

傷蜀

桂水梅關據一方番禺復有夜郎王洛州刺史何堪數
徒坐金根着赭黃

白銀雲母代椒塗殿壁光明蜀錦鋪府庫燔殘歸命日
尙餘四十襲珍珠僞漢

赴海三龍破敵回巖高潮沒日相催大王騎馬何時歇
曾有山僧識去來

侍臣逃酒每行刑鰲政從來斬最輕絕倒相公會不醒
歐刀枕上喚春鶯

十事忠言最慨慷鄰交全不慮錢塘江南尙有無愁主
一例封爲自在王僞閩

讀白華草堂詩

初集卷一

古

題家虎巖炳似我非我圖

君不見東方三大一至人蛻形天地全我真又不見西
域化人空塵障以身布施無我相儒家釋家徒紛紜有
我無我何足云今吾故吾自我分如露如電亦我聞虎
巖子目短視日在行間論尺咫尺示我一幅圖虎賁何須
似好我索我詩我未敢伸紙我不能人人我我如是觀
何以洞他人之肺腑又不能物物我我平等看何以藏
腹中之龍虎作詩我自用法莫笑庾生何莽鹵松石
間意濠梁想我我周旋殊媚嫵似我非我軀殼耳論我
我自有千古虎巖子跌坐聽我歌古來清風明月我惟

有登展圖外一東坡百東坡亦皆幻影請將此旨參盤
陀

問怨篇

繡閣沈沈鎖鸚鵡香蘭含睇春煙語連朝天氣海棠陰
絮雪絲風蕩何許重籠不罩南浦魂畫欄慘碧愁黃昏
離亭碎蝶脫金粉半臂春衣帖淚痕紅棉絮薄迴嬌汗
獨兒戲抓金鈴亂花濃柳暗闌闌迷夢殢南雲吹不散
五更油壁鳴輕雷碧雞坊東走馬迴高樓西北望天際
浮塵遮斷黃金臺

湘痕瑟瑟涼煙拖闌干十二低碧荷蓮蓬輕彈打睡鴨
讀白華草堂詩

初集卷一

主

海南生結霏香螺篆香已冷心香熱西望峨眉眉凝古雪
丹砂盆膩守宮塗綠銀鉤澀蟾蜍齧輕紈扇撲流螢
隔水花魂迷鬼燐蘭房星膽小如豆孤衾錦瑟長人
幾日紅樺蒸瘴霧羅襦畫篋委殘蠹忽晴忽雨天改常
豈但郎心不如故

西牆水影陰蟲吐花犬信宿吠東戶鰕鬚不捲犀押沈
玉宇無聲轉河鼓國闌紅桂懸古香素娥捧鏡翻斷腸
愁石綠鬢變華髮碧海青天秋漏長金刀鉸斷迴文錦
一夜鴛鴦泣珊瑚枕長生淚長怨霜華二十五絃筍柱緊
孤桐半死抱紅心占仙琴絲寫苦九江水到鯉魚去